

劉繼莊先生廣陽雜記

劉純莊先生廣陽雜記卷之三

偶與紫庭論詩，誦魏武觀滄海詩，水何瀾，瀾山島竦。

生洪波湧起，紫庭曰：只平平寫景，而橫絕宇宙之胸襟，果有世之下，猶將見之。漢魏詩皆然也。唐以後人極力作大聲壯語，以自鋪張，不能及其萬一也。余深嘆服其語，以為發前人未發，紫庭慨然誦十九首曰：不惜歌者苦，但傷知音稀，非但能言人難聽者，正自不易也。

紫庭曰：有明時州縣之吏，俸薪而外，雜項公費不一而足，其大者若城池橋梁倉庫之修葺，皆有經費，故稅賦之外，雜役不派之民，而官亦不困，獨催科無術，強有力者坐而免焉，而貧弱重困，催科撫字，胥失之矣。監有明之失，無不完之糧，耳為得之。

獨是一切經費盡行裁革有司無黷金之術以供諸役而給上官之求也勢不得不取之里下于是雜役之派有倍于賦稅者矣上之人于何知之官民之困未知所止也

康熙三十二年十二月上諭本朝滿洲官兵從來精銳驍勇所向無敵前厄魯忒噶爾丹之役官兵不能悉體朕意即行勦滅致失機會罔奏膚功朕每念及時望於懷故比年以來簡閱官兵歲凡兩舉朕躬親臨指示訓誨頃閱武時見諸士卒行列整齊隊伍明晰進退嫻熟嚴肅無議華所有軍令無不遵守該管官員號令約束既嚴且善此皆官兵協志同心各加奮力所致朕心深喜八旗前鋒護軍撥什庫驍騎兵等各賞給一月錢糧閒散官員火器驍騎兵亦照護軍賞給不管轄職官賞給內庫

擬元其級匹戶部會同總管內務府衙門議奏這項閱武時官員內有降級罰俸者僅准開復以示朕體卹將士申明賞罰之至意至八旗步軍官兵有察緝盜賊巡理道路等役甚多極為勞苦亦各賞給一月錢糧步軍官員亦給級匹獎卹勤勞用稱朕意

兵部題晉撫噶疏程祿宣大軍站俱係營馬改撥止昭營馬之例春冬日支乾四分夏秋日支二分今宣府馬站已增乾料昭民駟支給在案并提管站守備舒龍駒等比昭宣府加馬增乾之例造冊詳請查大同十一軍站額馬僅四十匹不等在昔差少之時縱道能支持年來差使絡繹額馬不敷以致越站應付疲弊逾多部臣昭例議處然以宣屬站每馬八九十匹料草又昭民站

支頌頌尚有瘦缺今大同與宣府同應一路之糧差同係極衝之站
每站設馬僅及宣府之半實不足以借糧差使料草銀兩又止二
分四分不及民駟之半不足以資餵養伏乞准昭宣府之例一
體加增支給其題前來該冊自天成至殺虎口八站每站應設
馬八十六匹除現設馬匹外此應添馬三百五十匹等語查殺
虎口一站先經臣部具題撤去其餘七站俱設額馬五十匹在
案今該撫院云應將天成等七站昭宣府駟站添馬二十匹
湊為七十匹共增為一百七十匹耳查各屬府駟站馬匹每匹
日支草料銀七分五釐今大同十站馬匹乾銀亦昭宣屬支給
可也

兵部題至撫郭疏祿宣化地方改為郡縣出宣化等駟遞夫馬

名色工折銀兩及各屬供應車價長安等縣應設廩糧等項應
宜改設與各府縣畫一便於遵行條奏前來一款宣化等縣原
屬把總管理故有軍夫名色每年夫馬工折在宣鎮兵馬冊內
預撥今既歸縣駐工折銀請昭順永等府之例留支本處地丁
錢糧或有不敷再于守道庫內撥給舊額夫馬糧料仍動倉糧
折支其軍夫名色改為馬楨驛夫與直省驛站同冊奏銷等語
應如議一款宣化屬供應車價舊例俱赴大同請領隔省請銀
動逾經年應昭八府之例改馬本省支銷并將本年車價十分
先給六分俟准銷日昭數核給等語應如議一款長安驛驛二
驛支應勘牌廩糧俱係各官捐賠恐不肖官吏藉名有派累里
民之弊請于地方丁錢糧內動用一體報銷等語查榆林等驛

凡應付勘牌廩糧俱准支應在案今長安等縣亦如榆林等縣
支應年終報銷可也

宗夏述楊耕夫之言曰學者宜有擇地而隱之理隨寓而安斯
真隱里斯意也予亦見及之所謂學而後知不足居則自無求
安也然大所着力不得學豈易言哉

新安潘今伊著有大易圖一冊今伊不知何如人耳其說不襲
陳言發自胸臆雖不免附會穿鑿然不可謂無見者亦奇書也
又十三集攸式圖一冊宗夏得之蕪湖市者不知作者何人然
明何事有圖無書惟標名像非我佳人莫之辭也宗夏留以詒
予予見之而魂驚魄惕此予向者意地中國有之苟何斯人之
先得我心耶其圖以一平方面截為十三塊或長方或半長方

或銳角、或鈍角、展轉那移、互相駢湊、或為圭形、或為磬形、或為屋宇形、或為橋梁形、或為飛燕形、或為舞蝶形、此宇宙之殊形異物、總不出其範圍矣。予意取一平方板、縱橫界畫如棋、然而經緯皆以百分為一、演算也。然後如其式而截之、增減體合、以度求數之無遁情。豈若更于大方之外、增四弧矢、如周禮衍羨之法、以證圖經、然旨而方田少廣諸章、其餘事耳。嗚呼、異哉、安得遇斯人而與之設度数之學哉。

年來過飲一覺之後、達旦不寢、蓋酒性熱、催血入心、故易寐、血聚于心、即催之而入百脉、心虛而繼之入者少、故易覺耳。此亦非攝生所宜也。

乙亥春、同諸子游壑、余、本汪氏園多、俗稱寒安湖者也。歲在

辛亥子年二十三歲，偕顧小謝初遊臨安時，予卿達廬陽，臣分
司嘉興鹽筴。予友兄李扁文贅于其家，往討焉。扁文設席于此，
款小謝及予為終日歡。如昨日也。屈指計之，二十六年矣。瑞臣
龐文皆作古人。予與小謝亦列頭童齒豁，而髮弁頽敗零落，盡改
當年面目矣。自非金鐵為懷，能不淒然泪下也。

盧子由，武林人，聰明博學，問世異人。醫道迥出尋常，著有傷寒
論全錄，用故典釋文之法。拜仲景卒病論精深微妙，世人不復
能讀，故廢不行久矣。予來杭，不及見先生，後與其諸子游，亦皆
不能言其父之學矣。惜哉。

余在安湖，從未嘗一識玉泉寺。前在漢上，王虎田先生極言玉泉
觀魚之妙。乙亥春，特往觀之。寺在岳墳之西，池中魚色異常。

多藍青色，有極大者，飛魚二，皆四翼，又石白魚，遍身青花，儼如江西景德鎮所燒密器，瑣瑣可觀，可謂名下無虛矣。

我友梅定九，中華算學無有過之者，著有中西算學通一冊，凡若干卷，易學西橫行之術，為直行，甚簡明也。

林益長，著有聲位左編一冊，益長名本裕，遼左人，滇撫林天學第四子也，向與龍友時可輩為友，龍友札予言其人，後同湯建五過吳門，訪予不值，留此書於宗夏處。益長之學，蓋本之馬盤什，馬盤什，馬三寶第二子，少年形豐偉，過人乳下，長尺許，以巨碗藏乳下，不假係縛，行數武不脫落，聰慧絕人，不假師授，自悟等韻字義之非，更為新韻，在視宇宙，嘗謂人曰：「假我數年，以盡畫音之變，雖鴉鳴鵲噪，吾有以通其語言矣。」滇黔平，盤什亦

就傳廣陵散于今絕矣其書已經版行予求之數年偽周降將
皆武人不知書無有敢弄者竟不可得家忠嗣云其父成壁亦
異人少為羣盜未嘗讀書識之無古今之世代治亂是非成敗
爛如指掌所著見同錄若干冊明末清初雜事皆口授小史書
之爽亦可觀其籍忠嗣有之余尚未之見也益長之學得之盤
什為多以開承轉縱合配宮商角徵羽即陰陽上去入也監昭
華殿字安十二位為立閑位一共十三攝橫開二十五聲義嚴
字安之二合三合皆具一焉別有音無字一位為號識之有
字音者亦止二十二位耳以一入聲收六平三上去入如公○
聲貢穀孤 古故穀勾 狗穀穀是也餘不異人意惟六平收
一入聲為辨後耳予向以平聲倍于仄聲上去多于入聲以一

收三尚未確見也。義理無盡，心思亦無盡。人苟能格致不患其窮也。兒子阿變因林本著音譜一冊，不分正五音，以入聲為門，每門收三韻，如數字一門收公勾孤三，餘倣此。界書精工，字亦端楷。宗夏在秦中與之深論此事，立有發明。然二子皆以正聲為非，謂上去皆有陰陽，則大愚也。普天之下，皆不知有四聲，而此寂發之于沈約，沈氏四聲，平聲獨二已使五聲之概矣。但未確分陰陽耳。周德清著尺本等，確知有五聲矣，而世之言音韻者尚多未悟。予幼未見諸家韻書，已確見此理。所定韻譜悉五聲，馬盤什林益長之說，後聖復起不異同也。而阿變毅然著書，宗夏作書與龍友辨論，宿聞習見，動錮聰明如此哉。舊冬宗夏初歸，始為之倡明此事。阿變正不知何日方有出頭之會。嗚呼，物

理幽玄、人知涉渺、安得一切智人、出興于世、作大歸依、為我成
蒙發蒙耶、

注疏家以經緯為星、次舍為辰、又有以元星處為辰者、非也、予
謂正緯為星、經星為辰、此非臆說也、論語以北極為北辰、又大
火為大辰、皆可證也、記曰、日月星辰繫焉、既言繫、則非次舍與
元星處矣、

征誅一大局也、郡縣一大局也、入主混一一大局也、其相距皆
一千五百年奇哉、

一十二銖為簠、管也、二管合二十四銖、二十四銖為兩、雙
管也、故字像之、十六兩為斤、則三百八十四銖、故曰易重一斤
三十斤為鈞、月數也、

父勝質則史注家以史官胥史餘皆不可通史祝史也惟司威儀謝非其事也

姑蘇花山之西有弁名合滿門臨小池古樹一株天矯盤曲數百年物也門額乃趙凡夫題王百谷所書

屠僧名許墅人陸西朗故人之子西朗受其父之托而無地可置暫寄友人家西朗一身尚無置足之地今又多此一番冰當心身俱累矣吾輩最易犯此病不可不痛自戒慎也

相後之蘇曾識心誠和尚云在山見古樹一枝大數圍爲之作禮此真古人何處見斯人耶

酒食先生饌注家皆云先生父兄也胡不父兄而言先生且對父兄言宜云子弟而云弟子則先生云者非父兄明矣

獻字據解釋云賢也。錢慎菴曰：若以賢釋獻，則文獻不足云者，豈有夏商遺老，至春秋時猶有存者耶？

武林鳳山門，即正陽門也。國初改今名。

錢唐江中之舟，類湘中之扒桿，大抵灘行皆此類也。所張布帆大約有二：一如常式，一橫張如壁中橫披，如軍中號旂，或左或右。此他方之所未見者。吾閩海舟有為羽帆者，左右斜張如鳥之舒翼，云甚便，此得毋類之，但不審何故獨用之。此水也。

七里街山水幽折，非尋常蹊逕。稱嚴先生之人，但所謂釣臺者遠在山半，去江約二里餘，非數千丈之竿不能釣也。二臺東西峙，覆以茆焉。其西臺即宋謝舉羽痛哭之處也。下有嚴先生祠，今為營兵牧馬地矣。悲哉！

李偉公僑居蘭溪大書一聯曰郭有道掃地則可王子猷種竹不能名士風流居然可見

姜子發云曾聞朱未孩言火炮中彈子必於沙中磨之極圓出砲門後空中之氣不能阻礙其去必遠掘垣成漿以箭括淬之其鋒之銳利過于磨錯此二語余所未聞者拜教多矣
金華形勢南北山高峙前後雙溪之水匯而安流自是大國規模然非用武之地也

子發言其令伯端公諱應甲後復更字時翁明季甲榜進士家于盤上自號盤上先生國變後不入城市髮髻黃兩耳著有名山四藏等書今來不可尋見矣景門亦言其令伯崇禎朝拔貢為革後即弄書終老荒村未嘗見一俗人家貧好飲嘗袖殘帙

提壺易酒、雙雙行風雪中、絕不受人憐、能詩善填詞、景門誦其
一二首、皆冷、可聽、此等人、物皆當為之作傳、無使漢、無聞
也、

總河靳輔疏言、從淮安運糧二萬石、自黃河沂流而上、以賑開
陝之饑、周郎風便、直抵東川、湮沒之舟、五隻而已、此亦千古之
所未有也、

子瞻言黃河之水、泥沙在上、其下乃清流也、靖遠侯張勇令人
于蘭舟橋拖百尺之繩、而沈桶於河底、桶上有蓋、以機約之、桶
至底而機張、蓋啟、水入、繳之而上、則機復閉、其蓋濁水、絲毫不
混也、以之煮茶、每過金山第一泉矣、

衡陽縣學在小西門外、門臨西湖、相傳為周元公母、勇家故宅、

元公曾厲此學之西偏有豐道祠祀元公也

通涵齋言朝廷今將于襄陽開河直抵潼關以通楚漕大人來襄陽會同川陝總督佛倫湖廣總督丁思孔議其事正月十三日所曾內閣學士德珠等即其人

今之學者動知古而不知今縱使博極羣長亦祇算半个學者

然知今之學甚難也農政一事今日所最當講求者然舉世無

其人矣即其家之書今日甚少以余所聞惟此帙耳余玄庵先

生有農政全書予求之十餘年更不可得紫庭在都時予無有

中得之予始得稍翻閱玄庵天人其所著述皆迥絕千古然

此書先生未竟之稿而方國維方岳貢重為編輯者也故讀之

不能暢人間或一引先生獨得之言則皆令人拍案叫絕念歎

摘其數十則錄于目知錄內而卒不暇也

有意將楚水圖記所標古今沿革城池里至提防等更摘水經注中有合于今日者更錄一通分為四冊以江漢沅湘為之經而諸水緯之亦少可觀矣

正黃旗都統公當來奏奏八旗每佐領添設滿洲砲手一名于二月二十日在盧溝橋放演紅夷大炮十日奉 旨去

直隸巡撫郭題為申嚴盜馬之罪等事嗣後有盜馬一匹以上者不分官私其竊至不分初再犯及馬數多寡概發邊衛充軍其牧人自盜私賣者亦照盜馬治罪

大學士伊森阿等傳上諭聞得厄魯特噶爾旦乏食甚窘內伊所屬番人索食有前來哈密信息哈密地方與邊口甚近應

將寧夏駐防滿兵發往甘肅提督孫思克處預備。孫思克亦將
伊所屬官兵整飭預備。此外伊省內就近官兵有應調遣預備
之處。孫思克一面調遣預備。一面奏聞。又貝子察漢巴兒弟班
第從虎諾兒來時。從西喇他喇行走邊內。會拉着一子拉固山庫
圖克圖。亦從邊內出去。似此私竊行走。邊上官員如何竟無覺
察。將此處亦行文孫思克。將邊上官員嚴行申飭。爾等會同兵
部察議具奏。

會議西安等處流民招往復業查順治十年定例內在盛京招
民一百名者。文授知縣。武授守備。百名以下六十名以上者。文
授州同。州判。武授千總。五十名以下者。文授縣丞。主簿。武授把
總。若數外多招。每百名加一級。其遼東地廣濶方田地最多。招去

官民任意耕種俱炤開荒之例一百名每戶給播種牛一隻并犁具等給銀五兩催覓人工銀二兩不論旗民文授知縣武授守備招徠七十戶給以播種牛隻犁具穀種催覓人工銀兩者文授州同州判武授千總招徠五十戶給與播種牛隻催覓人工銀兩者文授縣丞主簿武授把總其招徠人道至西安府將戶口數目牛隻穀種催覓人工銀兩照數交給之日布政司給發實收該撫將所招民人花名數目造冊咨報戶部之日移咨吏兵二部案所招數目議叙即用俱命下之日通八旗色衣佐領并直隸各省遵行可也

予寓衡時偶過吳舜德適有數十人來買筆則靖州人來此買魚種者也予問舜德曰靖州至此甚遠且路由寶慶武岡州象

山道甚艱險，何故至此收買耶？舜德曰：楚省惟衡州產魚種，他處皆不生。予曰：衡州魚種產之塘中耶？曰：非也，即在湘江中。上自崇寧界之柏坊鋪，下至樟木市，凡一百餘里內，天地自然之利，獨種於此。四方之畜魚者，動于夏初來衡收魚種焉。土人居之以罔四方之利，稅于官不下千餘金，其利可知矣。嘻，異哉！夫湘水發源粵西，歷永州、衡州、長沙、岳州，合洞庭以入江，不啻千里。誰為界限，獨衡之百里內產之，湘水浩々北注，乃不移而之他耶？此亦物理之難于推論者矣。

癸酉四月望後二日，舟泊昭陵，夜臥至夜半，却覺碧天如洗，皎月如蓬。際照入舟中，如白晝也。對之淒然，予嘗有詩曰：孤舟寒寐更無人，惟有長空月照人。亦十七夜舟中也。而苦寒之致不

膏天淵矣。

涵齋言許重感未遇時以飲博為性命貧甚衣不蔽體涵老見其胸襟有意氣迫出俸俸以養將軍目之曰天下若謂予必大貴感涵老之言携魚沽酒與涵老痛飲而別然聞其貴後感涵老以此少之

圖麟言有張道人來長沙以元門清淨導引治病有効圖老問之曰予每見人因坐功而致病者多矣未見有坐功治病有効者也今先生用之而効何也道人曰世人執一死法而治諸病如醫者以一方而療衆疾勿獨不効必致殺人今我國病以用法如醫者診病以處方所以起沈疴如操左券也予曰此與禪波羅密合摩訶止觀中有觀病境一科即其事也圖老曰彼人

于法門經典暨諸家語錄皆通曉而墮此窠臼何也予曰道家
有南北二宗南宗不言性北宗則曰性命雙修南宗有正祖五以
宗有七真也真皆祖王重陽各有語錄而丘長春盤山語錄為
最其學先了心性謂之性宗後以坐功得丹得藥謂之命宗故
曰性命雙修其言修命不修性却似鑑容無寶鏡若還修性不
修仙萬劫陰靈難入聖其通曉經典語錄者特藉此以了性也
圖老曰彼又言有添油接命之法何謂也予曰此清淨而兼陰
陽者也彼以人之色身或有變壞或值遲暮色力已衰不能修
清淨以了性命則置鼎器取坎離以補先天然後清淨可修
謂之泥水金丹其言曰竹破還將竹補宜抱鷄須用卵為之更
有始終皆用陰陽金不講清淨者兩家互相是非鬭爭未有已

也。圖老曰：予復往值與人談爐火燒煉事，曰：神丹一就，飯服而
板宅飛昇。圖老問之曰：飛昇者飛向何處？道人曰：昇天耳。何獨
不見旌陽許真君之事乎？予曰：此等語皆為列仙傳所欺耳。予
因出壬申正月十八日游南岳日記共讀一篇，至金庭王振公
為董仲陽所惑及岫嵒禹碑下云：古今人非自欺，有欺人與為
人所欺耳之三語，以相印證。圖老大嘆曰：先生可謂先得我心
者矣。

圖老曰：念佛以了生死，今之念佛老者，只欲了死，未嘗欲了生
也。宜乎舉世念佛，未嘗有一人能出生死者也。

閩紫庭所收藏西岳圖共三十四幅，乃錢塘人藍謝青所作。謝
青名深，筆墨大得藍田叔家法，必田叔之族人矣。三十四幅中

法荆浩關仝者居十之七法李營丘范華原諸家十之三耳蓋
關仝長安人雖未作華山圖而筆法皴染皆從華岳來又嘗師
事荆浩合而成家猶之李思訓生成輔便有三峡氣象米海岳
游宦京口便多北國山色此古人不師人而師造化之明證也
此冊多做關荆深為得之 第一幅為登太華初地東為中方
甕肚峰西為山孫亭至泉觀由老子洞入谷迤東為三里五
里關入則靈官處谷口竅板鐙銘有聲 第二幅為希夷嶺有
古木幡根石外飛湍瀑流東山峭壁一綫直下 第三幅莎蘿
坪東壁為小上方大上方鑿石板梗而上多樓居迤南為會仙
臺白鶴龕俱在雲臺峰下 第四幅為凌雲臺木橋高駕橫湖
而渡東上為凌雲崖宗武曰當作靈虛 第五幅為青柯坪跳

石越澗委蛇一陟過十八盤至青柯坪 第六幅出青柯坪眺
望三峰壁立與天接衆山皆成培塿 第七幅雨過行雲瀑瀉
五千仞如匹練下注 第八幅北斗坪南為臥虎石北為玉女
峰南一石康隅方整為毛女拜斗石徑下一次為古烈丈夫祠
第九幅為青柯坪而上東折為^第嶺北折為^第經閣復東為
回心石 第十幅回心石北上登千尺峽從石罅中懸梯陡陟
出百尺峽二仙橋溫神洞折而南為鐵牛臺北為胡孫愁車箱
峽抵雲岸峰過此峰石愈崎險皆偃僂磬折而行 第十一幅
為^第峰俯視城郭村墟俱在有無中 第十二幅由石坊埒壁
嶢行蒲伏至仙人砭下臨黃神峪再埒壁上金天洞臨深^莫測
第十三幅 蒼龍嶺長五六百丈徑止二尺許西崖峻削幾

千仞行者股栗即韓昌黎痛哭索書處也遇此灌木其徑抵將
軍面及五將軍樹雖蠶叢鳥道無以踰此第十四幅過五將
軍樹前一巨石數團皆因截巖橫阻而出又一小石數堵皆虛懸往外
皆極險難踰此則見仙掌矣愈峻愈危有徑如括曰天門所
謂箭括通天有一門也曰宗土祠地形稍坦東墜則黃神崕飛
泉諸山羅列三公山前教拱教伏第十五幅為中峰頂徑第
奪石版再上文昌閣俯視萬松如青玉案登每峰頂則有摘星
臺捨身崖飛來石蓮花峰南折則為蓮花洞為帝之別宮石巖
下為帝之上宮玉井在前浸淫而出凡二十八坎注北壁瀉下
為飛瀑第十六幅為每峰下諸山第十七幅為每峰下白
石巖曲徑層層登老子煉丹處再由草徑東轉則南峰之半

第十八幅南崖高出東峰上、觀日出最奇、地下而東峰曰落
雁曰顯靈、第十九幅從顯靈宮穿白石峽為避有崖、大石徑
覆教雲內一洞似希夷像、第二十一幅東走為雷神祠、避有崖
一石坊曰天門、石徑下趨南壁、復東上曰聚仙臺、下一石中空
東南兩隙如牖、內一石榻、外一石龕、供八仙像、天造不假人工
第二十一幅乃太華南峰之南壁、直下五千仞、却對三公山
從天門小徑附壁走木棧為賀老避靜處、懸崖最險、上攀下登
各去數十丈、書全真嶺三字、大幾如屋、第二十二幅為博臺
相傳為秦昭王從天神博、施以鈎梯懸崖、東峰之東徑由華陽
洞樞索懸空而度、太華絕險處也、第二十三幅、玉女峰、突附
于東峰之半、徑從石隙上一、巨石數百、升立建祠、其背前一石

坎為洗頭盆，水四時不竭，此臨仙掌。第二十四幅東峰下眺
城，堡烟景蒼茫，清洛諸水流入于渭，與河合，東折經潼關，倚
華麓南，北藍易，北接中條，遙指龍門，韓鄴諸山，東晉界限于是
乎分。第二十五幅為華岳全圖。第二十六幅西岳圖，案漢
始立時，唐乃立廟，世代屢遷，跡多湮沒，獨老子係青牛枯櫓，猶
在，今築城為衛，校唐稍隘，正鳳樓前為壁馬，左右為坊為門，四
角為臺為樓，入樞星門為宮門，為大國，次入內宮門為寢殿，再
入內宮門引水為池，為橋為臺，上為閣，曰萬壽，高二十餘
丈，正對南峰。第二十七幅華陰瞻望華岳圖。第二十八幅
進仙谷，過石梁，出石門，轉東望，毛女峰圖。第二十九幅青柯
坪秋源圖。第三十幅蒼龍嶺雲氣圖。第三十一幅玉井泉

聲松韻圖

三十二幅西峯晚霞圖 第三十三幅太白呼

吸通帝座處秋月為最 第三十四幅太華雪圖

馥處向在廣西太平府極言其山川奇秀草木鳥獸之類異而水土大惡外鄉人不可居入蛇之毒最異遇婦人未有不經之

至死者見其來

色

解裙以覆蛇即盤旋於裙而不能去人遂

得而殺之以內典之說推之則多淫好內者之業裙也

魏德真言砂汞八石一遇黑鉛如油入麩永不得清惟煉丹須

用之耳此言深合予心非久于其事者不能為言也

因憶往事予白雲還客之章見其中之委曲蓋有大不得已之苦衷未可為人道者也予當時已見及于此反以深求而失之今其中尚有可疑之處然已得其八九矣

宗武言朝邑縣民婦羅氏其夫鐵工也隨大兵征雲南不歸不知存亡姑病華婦禱于西岳金天聖帝若姑病愈誓于捨身岩投崖以報姑病果愈婦同其姑其兄登山完願登大頂至捨身岩以震覆面奮身而下疾于飛鳥其姑其兄臨崖大哭時宗武尊人長發先生今華陰寒報縣令人從甕峪至山後覓尸絕踪跡華陰縣存案文移朝邑逮其婦其姑歸而婦則安居室中矣云投崖時已昏去耳聞風聲甚久既甦則撲于其家庭中云朝邑全回文至華陰述其事自華山至其家約八十餘里朝邑在北而捨身崖則華岳之南峰也時康熙十六年也此事經華陰朝邑二縣勘核決非虛誑然非思議所及之境矣

縣宗武言今一全真道人所謂龍門法派者皆本之丘長春其

地則王刁山。王刁山在華陰太華之東，奇峭次于華岳，開山之祖乃王刁二師，故以八名山丘長春嘗雖主其席，演派至今，遍天下也。其法派凡二十字，曰道德通玄靜，真常守太清，一陽來復，本合教永員明。至真字輩有馬真一者，世號鎮仙，言其不死。今猶在遼東云。今真復白雲觀遣人王萊陽，乃其嫡派。萊陽名清正，今白雲觀已煥然，非故矣。蓋宗武于華陽時已與之友，知其入甚悉，又言華陽道派有二：一太華，一王刁也。太華宗陳希夷，王刁宗丘長春。

宗武尊公諱雲錦，字長發，四川成都人，蜀府儀賓也。終寇之亂，出奔京師，遂寄籍順天。辛卯舉人。

華山之背，東為潼峪、蒲峪，西為堯峪，又南則離南縣界。

王刁山之口為杜峪，有甘露寺，有月季花樹，大其四圍，枝蔭一院，天下所無有也。

癸酉五月二十一日，湘水大漲，傳言永州出蛟，地陷，漂沒民居，見有佛像大樹順流而下，其言匪証，但傳言不一，未知何地也。癸酉九月初三日，始經之子蓮舟，同衆飲酒大醉，至初四夜猶不醒，移出二堂，予診之，六脉俱絕矣。至初更時死，異哉！予今而後知酒之能死人矣。

余枚吉詳述其尊人去世之異，枚吉尊人字西崖，卒于六月甲十五日，兩手結印，端坐三日，夜黃鼻_鼻至，筋至腹，頂上氣蒸如火，更有風雷之異。予問枚吉先生平日作何等工夫，云先人素不信內典，一日，淮安淨土菴恍然有悟曰：吾幾錯過矣！自此持

誦金剛經不遂能作禪家語。卒未春夢遊佛國。編看數萬金身云。

圖麟述其前日見里巷鄰家有喪。往來雜運而已。獨立門前。蕭然無事。援筆書云。世俗之禮不行。世俗之人不交。世俗之論不異。然後其勢孤。勢孤然後能中立。予聞其語。亟倩圖老書其語。于便面以贈伯筠。蓋此語乃伯筠對針之妙藥也。

李殿公先祖諱于崇。積末為臨洮總兵。屢立戰功。與曹文詔齊名。詳載綏寇紀畧。

殿公極言覺羅準大之賢。準大一名朱克疏。松崖隨簡親王南征至廣西。忽有志于學。與殿公友善。殿公偶與臨桂巫山隱者王佐人兩相遇。見其貌而知其賢。同僧津融入山訪之。留信

宿而返遂請其入城為松崖講論語松崖從此識義理有志于
聖賢之學矣一日郊行見張別山墓荒蕪不修問知別山為明
末死事忠臣遂大慟歸出橐中金并數金銀酒器共得百餘金
大修別山墓道立碑碣置田若干畝招農夫一家六口為之守
塚事竣招諸賓設祭禮畢自托守塚者又以銀六兩并禮物贈
之涕泣而去嗚呼仁心為賢慕義無窮松崖有馬乃見之于覺
羅氏耶

又有辛公者亦滿洲人讀周易深有所得自廣西出兵滇中窮
不能辦行裝能義命自守隨寓而安後歸粵西蕭如也

僧渾融者督師何雲從之部曲也何督師亡後遂披剃為僧
觀音岩在永寧縣西五六里岩高數十丈臨江壁立懸崖覆洞

山足至洞頂、八丈許、洞_五之_五上附頂處、架木為龕、可布三四
席、中奉普門大士象、懸梯以登、梯凡三十四級、下臨江處為僧
舍、遠望之如方壺、遂島、自龕後循梯以登、龕梯三樓、皆趺立、自
下望之如登天、登龕縱目遠眺、心神為之條暢、江中崖前有獅子
石、爪牙形目逼真、官_水漲時舟遭之立碎、來人以形家言鑿碑
其唇齒云、龕之西別有靜室一所、為樓三楹、亦在懸崖之上、有
平地丈許、鑿石級三層、不可鑿者補之以梯、去平地有六七丈、
壁有石坎大如斗、中有泉水盈一掬、冬夏不涸、鐫觀音泉三字、
靜室之結構猶未就也。

永興域中地、高如城牆者丈許、亦一奇也。

永興以上山益奇峭、無寸土、溪流曲折、層累而上、多灘險、舟行

甚艱東南五里許有彈子崖石壁臨流壁上有小乳魚筭員如彈窩俗云漢李廣過之彈壁而成此荒誕可笑又東二十五里為傳侍即窠石崖下有穴可泊舟俗傳唐韓愈謫陽山今時曾泊舟于此云

程江口在永興縣東九十里有程江水自東來流入來水案程江水發源有四一出回龍山一出梧鳳山一出九峰山一出周源山合流而西至程江口入來水其地出煤炭賈舶所聚也柳州地當騎田嶺峯高在天半相傳柳地與南岳祝融峯齊理或然也自瓦窑坪而東南山皆秀麗林木叢茂溪流湍激激處處為轉水之車設架置軸貫二輪于軸端外巨于內十之一有奇輪周列三幅絙簾為之以湊于軸兩輪之間相去若六七

寸編竹為方，置之兩輻之間，以為齒，以水之高下為低昂，沒于水際者十之三，齒端橫竹筒如輻之數，外軒而內輕，軒者低留節而竅其輕之端，順水之勢而斜舉焉，湍水激其前，行而輪動，水只知舉前而流也，而不知前之反出水而上矣，只催前前之上也，而不知後前之復水而下矣，只知舉前而動也，而不知筒之已携水而升矣，筒携水而升，勢既低斜，水必下注，迭出迭入，迭注迭轉，刻木為槽，橫于輪旁，以規水為承，之以規水灌田間，名曰筒車，此流不用人牛之力，而水自升，亦水流之最善者矣。中原江浙地水平衍，但有山水處，即堰壩而為之，惜無講究及此耳。柳諤曰：一灘高一尺，十灘高一丈，仔細思量，起柳州在天上信矣。

薛仙橋有柳江祠。祀柳穀。俗傳穀柳人也。

柳州湧泉門烏磯^石在溪側平地突出一磯。嶙峋秀皺。亦一奇觀。若移此石于中原。不知受米老輩幾許隆重也。

烏石磯旁有斷碑一片。題曰唐宰相劉瞻故里。柳土俗傳有九仙二佛。別瞻九仙之一也。瞻為唐名臣。以直諫黜。乃有劉氏三仙之說。不知何據。

柳州城東橋井觀。為劉瞻故里。道書中第十八福地也。宮觀規模稍存古意。庭前古柏二十圍。滑澤無皴皮。夭矯三十餘尺。趙宋以前物也。橋井在庭中。梵砌嚴整。古跡中之最有據者。

義帝冢有祠。乃柳州舊學宮。故碑數十座。畧無可觀。天下廢物無過于善知。語錄與學宮碑碣者矣。登壇讀古碑。乃元至元

中所立者義。滅秦興漢為世界升降之機。桓擬作一詩以悼之。

江南僧廓然者，建運葬于宜章中途，武勇絕人，與賊鬪皆被靡而去，或有歸依為弟子者。

薛仙山上為靜思宮，中為中觀，下為白鶴洞。靜思宮在山巔，亦頗高，中奉薛耽母子像，屋宇皆堅緻，畧無登眺之致。宮後有島，島中一石臨崖，書劉落錫沈香石三字，云薛耽跨鶴昇仙處也。島中有薛耽跨鶴像，鶴形肥胖如鷗，見之令人失笑。其上更有茶盃石，此地稍可，然苦無水中觀門臨流水，絕勝靜思。然屋宇頗敗，僧亦不堪，上一層有小閣，可以眺遠。觀前地有仙桃，乃土中石子，掘得之，云磨服可治腹痛，又云能治百病。此物形如

臆子治腰腎痛理或有之白鶴洞石秀絕洞宏敞東南向高丈餘深尋常石乳所結如華筍下書東北一小洞可偃倭而入云極深遠可通永興環瑯可游覽使在下江不知幾點何何矣洞前一島乃州牧陳允匡所遠石壁上鐫宋淳熙中諸人名氏字亦可觀予為徘徊流連而不能去云

郴州吏目陳思安初隨大兵駐荊州後隨詹威取寶蓋乃僅得此一命功名之會難言之矣昔人言軍功何功為古今取奇之二竅一往語耳

思安言郴州脚夫盜取廣客貨物變怪百出皆有至理如廣錫式如門檻者曰門檻錫每塊約重五六十斤廣隅方正鑿之印龍亦非負之走烏能于中盜取分毫乎其得取錫塊以繩纏

縛入釜中、水百沸、錫塊周圍雖極熱、然為水沃則不得烊化、其中心去水既遠、熱氣所逼、全在乎是、則已化為汁矣、取錫離水、以熱鐵箸透取一竅、而軒輊其兩端、錫汁縱孔中流出、取足而實其竅焉、錫塊周圍不改舊觀、而中心已虛矣、又廣錫每十口為一捆、載而過嶺者、踵相接也、先置最小者一捆、而易客之次小者、取爭分寸耳、客固不覺也、既又以次小者易差大者、層疊偷換、日計不足、月計有餘、不數番、化最小而為最巨矣、嗚乎、盜亦有道、不止是為室中之藏、稱聖已也、天下事未有不從格物致知入門者、觀柳賊之盜錫可知、而今之讀書學道者、皆鹵莽滅裂以從事、何怪乎役、終身而無所得也、為之浩嘆、萬壽念禪師之道場、在平定界上之萬壽山、

憶予年十四時始見南華便有放翻^翻宇宙之眼界所苦者字句之間時有空碍遂據諸家注釋讀之家塾之中藏書不廣亦向古注而外惟副墨與會辭耳會辭乃明烏程潘基慶良紹氏之所集以內七篇為宗取諸家之注總注于每篇之後又以外篇雜篇各以類從附之即以莊注莊也逍遙游則附以騁性至樂外物讓王四篇齊物論則附以秋水寓言盜跖三篇養生主附以刻意達生二篇人間世附以天地山木庚桑楚漁父四篇德充符附以田子方知北游列御寇三篇大宗師附以駢拇徐無鬼則陽三篇應帝王附以馬蹄肱篋在宥天道天運說劍六篇而以天下一篇冠于冊首曰莊子自序先君所藏本只有逍遙齊物養生之一卷後四卷徧覓不得也後游吳門見全聖嘆先

生所定本亦以此序而刊去該王漁父盜跖說劍四篇為置天
下篇于後予嘗閱金釋弓曰曾見潘本會辯否釋弓曰唱經堂
藏此本今籍沒入官矣則聖嘆當時印可此書可知予求茲全
帙久而未之見也寓柳時于無意得之自人間世以後皆當日
所未見者道德會解則節取古今釋道典籍及諸家注疏拉雜
注之無義例論次殊不足觀也

書錄

南華會輯人間世篇引羅勉道曰莊子為長恢奇恢宕于六經
外譬猶天地日月固有常維常運而風雲開合鬼神變幻要自
不可缺古今文人每奇之顧號字面自是周末時語非後世所
能悉曉然尚有可徵者如正獲之問于監市履希乃大射有司
正司獲見儀禮釋之以牛之白額者與脉之亢鼻者與人之有

痔病者不可以適何乃古天子春有辭祠見漢郊時志庸子乃掌堂涂之子猶周王侯之子稱門子義臺乃儀臺鄭司農云故書儀為義其省乃見攷工懋梓人為磬文數目顧脰肩即顧字如此類不一而足而士無古學不足知之作者之意辭而未伸剽竊之用轉而多誤

苟非迫出人情之外必不能成大計若夫王道本人情之言為天下人言之也

王燭蛟家有一狗斑斕其毛呼曰斑狗焉每月初二十一二十一必齋三日值齋日則不食終日糞穢水漿畧不入口置飯于其前必卧而守之有雞猫等物未食其飯者必起而逐之復卧而守之如故一日始食而不失一也

計數之學。不能獨恃明悟。必假器以爲加減乘除之具焉。若古
之六觚之籌。今之七珠之盤。皆所記繁多之數。補記載所不及
者也。余以爲凡物之有數者。皆不用以爲計數之器。物之大者
莫若蒼天。然彼蒼者。特寰宇中一大算器也。何以言之。渾天之
形。兩極不動。赤道中分。畧而爲二。是計數之一大盤也。宮次十
二。縣象昭然。三百六十五度。井然不紊。是盤中之三百六十五
位也。二曜五緯。參伍錯綜。或入北陸。或出南陸。少者二十七日
一周于天。多者二十八年一周于天。則位々皆有算珠。而二曜
所以紀經。五緯所以紀緯也。于是章節氣朔。定而百千萬世之
歲月時分秒。莫不可紀矣。彼聖人者。敬授民時。俟百世而不惑。
豈有異能哉。不過以蒼天爲一大算子耳。

王元頴題畫竹二首。則畫襍華是此君。碧欄銀沼拜氤氲。全憑
出格幽微韻。體出無聲太古文。定裡只消風引月。夢來惟覺水
依雲。模材爲畫湖州派。清影知他聞不聞。一解穉初篁葉未開。
紛紛何物點蒼苔。非關阿曼眉間落。應是湘娥淚裡來。無力豈
堪題漢署。不妝只自敲梁臺。王猷正喜看新綠。飛雪還驚墮酒
杯。二

野語云。古有數九之語。蓋自至後起數至九。則春已分矣。
如至後一百六日爲寒食之類也。舊聞判太史局鄧宗文曰。豈
特此爲然。凡推算皆有約流。推閏別括云。欲知來歲閏。先算至
之餘。更看大小盡。決定不差殊。謂如來歲合置閏。止以今年冬
至後餘日爲年。且以今年十一月二十二日冬至。本月尚餘八

日則來年之閏當在八月若小盡止餘七日則當閏七月若冬至在上旬則以望日為斷十二日足則復起一數焉推節氣歌括云中氣與節氣但有半月隔若要知仔細兩時零五刻假如正月甲子日子時初刻立春則數至己卯日寅時正一刻則是雨水節也推立春歌括云今歲先知來歲春但看五日三時辰謂如今年甲子日子時立春則明年合是己巳日卯時立春若夫刻數則用前法推之凡朔望大小盡算悉有歌括惜乎不能盡記然此亦曆家之淺事耳若夫精微則非布算乘除不可也余嘆舊曆乃為此等歌括之所限其疎漏不合天行可知然亦不可不知也

明洪治十六七年間荆塗峽間忽有水怪作孽阻拒峽口淮水

不得泄，則壅而旁溢。春六濠頽之間，田廬沒，商舶至湖時，遇怪風浪多顛覆。往來棹渡小艇，或至中流，或近岸，若旋風起，大浪三四掀，逆而來，人輒偕沒。以是土人名其怪曰趕浪，相諱不朝祀。又或夜靜月明，梢人見有物若巨木，偃卧沙際，方報告驚，諱則倏然入水。風浪遽作，于是又名神木。如是者又四五年。正德以後，患息。人復見于渦河中，已巳歲，渦河乾涸，通騎相傳，又徙于潁水。後潁水復涸，或又傳入黃河中。墨談曰：此物或即巫支祁也。余聞洞庭湖中近亦有巨木作怪，蓋木有生性，拔之幾潛之物，特未脫根于地耳。不如金石之冥頑也。木既經數百年之久，其得于天者既厚，而復脫根于地，又漂沒于水中，常得水土之滋，其為怪也不亦宜哉。

汝州之治諸井皆以夾錫錢鎮之每井率數十千問其故一老
兵曰此邦號風沙入井中人飲之則成癯夾錫錢所以治沙
土也楮記壹圓因思惠山求清甘于二浙者以有錫也余謂水
與茶之性最相宜錫餅貯茶葉香氣不散錫壺煎水久則土下
沈香成鹹也

古者一井之地以二十畝為庭舍因為市以交易故曰市井楮
記壹圓詞言云

宋崇寧年西臺修築者惠苑中池水易涸或云置牛首池中則
水不涸置之果然

元朝末年官貪吏汚因蒙古龜目人固然不知廉耻為何物其
問人討錢皆有名目所屬始泰曰拜見錢無事白要曰撒花錢

逢節曰追節錢生辰曰生日錢管事而索曰常例錢逆迎曰人情錢勾追曰齎發錢訟訴曰公事錢覓得錢多曰得手除得州
吏曰好地分補得職近曰好 庶幾不知忠君報國之為何事也劉繼莊曰若明初吾不知矣明季耳目之所睹記何一不然耶

全邊畧紀、桐城方孔昭潛夫之所著也、潛夫于崇禎初為兵部職方郎時所著、共十二卷、其書畧錄一代事跡耳、未見曆朝實錄、間見淺陋而諸邊形勝道里遠近暨諸堡塞毫無攷訂、明末人留心邊計者胸襟眼界只于爾耳可嘆也

古人以謂飲茶始以三國時、謂吳志韋曜傳、孫皓每飲羣臣酒、率以七升為限、曜飲不過二升、或為裁減、或賜茶茗以當酒、據

此以為飲茶之禮案趙燕無別傳成帝崩後后一日夢中驚啼甚久侍者呼問方覺乃言曰吾夢中見帝賜其坐命進茶左右奏帝云向者侍帝不謹不合喉此茶然則西漢時已嘗有啜之說矣非獨于三國也

衡州六十里泉溪五十里樟草五十里小江口六十里新堤街六十里狀牌石四十里耒陽縣十里皂形市六十里上寶街六十里瓦窑坪四十里柳州

吉坦然江寧人流寓衡陽其尊人庖役永曆帝上雲南坦然時尚少亦隨之往甲午開科中式授大理府雲龍州知州後改授姚安府姚州知州清兵至授城授蒙自縣知縣坦然隨其父往耒于迤東迤西諸處知滇事最詳後出滇流寓粵東移衡陽焉

余問以滇中諸事坦然多目擊者永曆之自經歸也吳三桂迎
入坐輦中百姓縱觀之無不泣下沾襟永曆面如滿月鬚長過
臍目角龍顏顧盼常如也有滿洲人見之以為真天子遂有密
謀以國中與者事泄誅四十餘人焉予曰我向聞其人而遺其
人之名先生猶憶得否坦然曰亦忘之矣然于法場上見為首
者長七尺餘形如虎豹皆言其膂力絕人騎射為滿洲之冠永
曆以此蓋不得更延時日矣予曰聞帝崩之日天有風雷之變
果然否曰吳三桂既得密旨請帝于北門庫飲奕逆弑之百姓
初不之知也是日天氣清明忽有黑雲起風雷交作城外里許
有金汁湖在歸化寺側又儲水灌田者也有龍出于中蜿蜒升
天頭角爪牙皆見東方駭觀忽宣傳帝崩于北門備梓宮矣嘆

乎人心天象如此而明竟亡天道不可測也

本朝賜吳三桂四滿歸凡行軍必隨往此清制所以籠異諸王也

通天塔即自鳴鐘也其式坦然瓶為之形如西域浮屠凡三層置架上下以銀塊填之塔之下層中藏銅輪互相舉動外不得見中層前開一門有時盤正員如桶分為十二項篆書十二時牌為下輪之所撥動與天偕運日一周于天而盤亦反其故處矣每至一時則其時牌正向于外人得見之中藏一木童子持燧刻牌自內湧出于中層之上鳴鐘一聲而下其上層懸銅鐘一口機發則鳴每刻鐘一鳴交一時則連鳴八聲鐘之奇前有章駝尊天象合掌向外左右巡視更上則結頂矣此式未之前見

宣供佛前以代蓮花湯子懸坦然折而視之大小輪多至二十餘時以黃銅為之而製造粗糙聊具其形耳小用即壞矣坦然未經師授曾于喀答公處見西洋人為之遂得其竅竅然于幾何之學全未之講自鳴鐘之外他無所知矣

坦然善鑪函齋頗稱之予亦暇領教然甚言其難似可與論此事者

唐子雲言華山道士范上右明季司禮監秉筆太監也與王山史游有韻云非求不死棲名岳有愧養生遠帝宸亦中官中之有品節者

紫庭言有明弃大寧并河套弃哈密而邊事日非土木之變不至于靖康者韋也余曰昔崔浩之論劉裕克長安而不能守將

急歸以成篡弑。明英宗之得歸燕都之不陷不但于少保之功亦因也。先謀圖普化思^結處于中國精神之所注射在彼不在此也。紫庭為^余宗擊節。
紫庭語趙宋^規權遠避漢唐。今之稱復三代者當曰漢唐明不當曰漢唐宋也。宋只可比司馬晉耳。余曰然。即堯夫已見及于此矣。客有問國祚于堯夫者。堯夫以晉史封示之後世只知神堯夫能預知靖康之禍與懷愍一轍而不知兩宋之事。合符兩晉也。

周獻之言其婦之舅姓沈字龍陽山陰人在朝門妻懷^宋卒人生一子不茹葷得錢即買香以獻佛年十八以疾卒其將死也父母環而哭之子曰吾非父母之子也吾前身乃老僧寄靈于父

母家今去矣。後十年吾更遣一子以還父母。道老人之終也。十年後母年已將六十。復生一子。生三歲而獻之南來。音信斷絕。不知其後何如也。

揭仲翔云。福建邵武府太寧縣有石網山。四周危峰峭壁。中圍平地八十餘里。惟一逕可入。一逕可出。百物畢具。唯乏鹽耳。恐桃源不能過也。彭躬莽曰。他日功成歸老鑑湖一曲。吾已卜之石網矣。

涵齋曰。聞廣東省出兵傳言。則謝氏夫餘黨也。賊夫閩人。為盜于海上者。

黃明亦閩人。前聚眾于鰲平。官軍征討。平其眾。得共首上聞。然實非其首也。

盧谷大師本無錫秦氏其祖為長沙太守遂流寓衡山宗族間
已久不通音問矣師年七十有六而精健如少年視聽尚不稍
衰其教下法派則本之二楞一兩圓賢首也曾聽南華內七篇
于耳觀有省自此稱好外典為人直逼前古好學之誠出于天
性更能誨人不倦毫無覆藏見處亦自超脫嘗受等韻之學于
語拙韻主韻主真定鉅鹿縣人為黃山第二代教授師當明中
葉等韻之學盛行于世北京衍法五臺西蜀峨眉中州伏牛南
海普陀皆有韻主和尚純以唱韻開悟學者學者目參禪為大
悟門等韻為小悟門而徽州黃山普陀和尚尤為諸方之推重
吾拙師幼不識字年三十矣入黃山充火頭寒暑一衲行住坐
卧惟唱等韻如是者六年一旦豁然而悟凡藏典繙繹無留難

者遂為第二代韻主教授師。歲在丁卯，傳法南來，五臺顧思和
而甚器重之。桂聖聞其名，延入藩府執弟子禮。學等韵後，養年
而岳以終老焉。虛谷師嘗從之學，深有所得，受付囑迄今五十
年矣。嘗抱人聚俱亡之懼，逢人即詔之學韵，聞余至甚喜。余于
聲音之道別有所窺，自謂頗竊造化之奧，百世而不惑。然于等
韵必數：訪問者則以唐宋元明以來諸書切脚，咸宗等韵，苟
于門法稍有齟齬，則不得字，而朱繼唱誦，則聲韵不真。三四十
年以來，此道絕傳久矣。間有一二人留心此事者，未惟師承口
據終為模糊，不足學也。大師始遇予于康甲夫家，為余唱誦通
釋一過，梵音哀雅，令人樂聞，確有指據，非杜撰也。余既願學，大
師復不吝教，留彼數日，而等韻之章畢矣。

余髫年于燕都省仁壽寺遇蜀僧大悅自言善唱等韻少為余言其梗槩不及學也後至吳門與朱姓莽為友姓莽精音律而于等韻未有傳授携李陳嘯菴先生著有皇極統韻一書亦精唱韻余雖得一睹而不及久作盤桓其後訪之縉流竟無一人矣

虛大師言攸縣人陳五筵字逸子別號南雲拾殘有憩岳吟于南岳死已久矣虛師錄其手書一卷出以示余猶是性靈之作東南不睹此音久矣余錄其自西山路歸文殊菴紀異一首太乙司元精天地受惆悵人有一隻眼正能惆悵中視天地數身無為一山數里客神亦安得不凜然肅穆以為造物之險夷西山兩日雪客予正其期暇登泮泮細故主人願扶持主人忽有

行客亦多：就道去。禦寒雖有衲力持，還存杖。投杖于水，不能
一柄，亦隨身。墮樹底，森疎荒冽，陰邃荒否。用杖扶身，杖不起，四
顧，維目泉零耳。將欲開口，何所語？但見鳥無巢，亦見虎有踪。深
淵冰腹容生齒，祇畏生勇忿。還子寒威相料理，縱然步：咸傾
我杖，我足不受耻。穿林得疎竹，樹間殘紅子。心亦覺適然喜。
方過溪頭渡，遠水唐笑滿。烟四起，磬咳震谷岳未大。安知乾
坤莽：界灝：肅：神頑樸冥：昧：從所觸，眼光咫尺落樹
根。將逐何物為身？素注聽山犬吠，無禁徘徊何處？是山人由來
此山抱惺：怒尤攝盡收靈明，倏然西林見一樹石出溪流不
知烟去處。振衲拂杖到谷口，見籬逢橋如逢瘦杖亦逸。衲知寒
遂坐石頭看林巒。他家童子遠道回，遇我問我何處來。我將語

其故爲我言。昨日不到野雞潭。前山後山晴。穎。我行其間。曾
保。言晴未已。山真晴。五峰灑出太陽精。沾衣炤襟露。儻。我
吟童。嘆度高磴。神怡氣爽。聞一純。向時過處。無雞鳴。南天門上
微風雨。穿裾收汗。咸浸。杖得東。指到干城。恍如有家。作歸人
十步百步。易玄妙。變黠。又似西山道。西山道。窈冥從此發深峭。
鸛雀飛起。衣舉邊奔。泉吼怒。使之鳴不全。蒼復蒼。玄復玄。須髻
依然白。懸。吾聞元化所居。混沌所游。又聞須彌頂。日月出其
半。麟鳳不形。遭赤帝。駕言馳驟。我是俗下頑魯質。獨趣橋上看
以激。前此橋跌。雙足今日與杖謀。寒杖不能立。催豕魚下層層
得抵文殊奔。又是煤。雪。若映水晶玉。峯道引我登堂坐。堂
與此詩運筆造語。無不奇肆。足見其人集中尚有數千首。俱瓌

瑋可觀不及錄矣

子有句云將心與岳安悠悠可思

公大師又述一人句云一家寒露葉萬事暮秋蟬

甲夫言吳氏軍中有樂器曰花角以竹為之如銅招軍式上安

笑叫子以吞吐為高下有聲悠揚悲壯調以宮商前此無有也

衡岳岫嶠峰古禹碑在焉乃昌黎朱張諸君子亞思一見而不可得者神奇恍惚雖不可以理論然亦非晚近物也

小嵩山有靜室衡陽先輩陳正典有書萬卷藏其處前方遜一曾為予言之許為予覓其書目來不知何故杳無音問或其家人不肯以長目示外人

雙石峰有雙石寺神禹跡在焉予主康甲夫時往遊之三五里

外望見數石峰，有瀑流如匹練。黃天半石橋當其前，橫跨空際，奇秀如唐人畫。土人云：此名禹王橋。過此，即數峯寺逕矣。余謂二子曰：此何異海上三山也？昔人有始作一日神仙，即死亦甘心之語，少時從此橋經過，詎非一日神仙耶？山下有石在田中，長丈餘，其形如魚，頭尾鱗鱗畢肖，曰鯉魚石。又一石形壯大小如前石，而半身埋土中，前半出土外，想見通州潞夏石魚湖上之樂。取路登山，更半里至禹王橋，即山下之所望見者。橋在半水嶺之前，石壁陡立，瀑流挂壁上，橫飛斜挂，萬態千狀。俗傳此為羅漢運糧處，鄙俚可嘆。聖元曰：時有魚自下逆水而上，來石旁，沿石壁而登其巔，不知其水往也。此為雨兆，若自上順流而下，難久，雨其必晴矣。余曰：必鮎魚也。曰：然，非鮎魚，即黑魚耳。

過禹王橋折而下有方巨石二相距一二尺曰仙人對奕石更
三里至雙峯寺、在兩山相夾處、扁曰禹閭、流聲坐處黑暗、熱
氣不可耐、南岳名山而無精舍、缺陷世界也。

聚元言衡山草市人單循良少習舉子業長奔去無賴以事到官知縣孫維震見其儒雅詢知其讀書命題為文稱賞之賞以錢令其歸讀書後為弟子員其人知音律自以其意譜漢魏樂府入調皆和律呂嘗乘舟夜泊湘潭月明如畫叩絃歌離騷聲裂金石隣舟數百多寢者皆起聽無不泣下沾襟歌竟東方已白矣自此疾作竟不起今其墓已有宿草矣循良奇士惜其生于衡無所聞見而早死使其今日尚在相見時必有一番絕世講究而今已矣衡山人或有知其學他日入縣當悉訪之

仲翔言福建 氏之事壞于易明、舊包衣人也、仲翔知之甚

詳

婁勝勸構竹屋于溪上、隨水上下、門有聯云、接天烟水橫三楚、映水樓臺別一家、坐中聯云、水底有天行日月、座中無地著塵埃、問之、其令姪筆也、今腐中湘云、

聽唐子騰與唐子霖談、宣羌州王輔臣之變、助之亂者、雖有董九疇、李國樞、李國棟等、而先殺宣羌知州者、蔡元也、子霖甚悉、蔡元首後事、叙其取秦州、守關山、及關山失而復取、因清兵于、以後由階州入川、求救于王屏藩、取漢中以通歸路、王平涼與兵對壘、嘗獨騎追貝勒王入連營十三座、無有嬰其鋒者、聞之、令人勃、有生氣、今此公總兵于古北口矣、不勝浩嘆、

子騰談趙勇畧王奮威不合始末蓋自勇畧鎮宣夏時也入
相過于宣州纔成吞并奮威亦危矣余謂子騰曰古云山東
相關西將今之將帥半皆閩人然靖逆勇畧奮威功業尤為
俊偉三人皆秦產也極西北與極東南豪傑皆為時出吾徒亦
何為哉

衡州苦瓜即北方之癩葡萄江南之錦荔枝也閩廣滇黔人皆
喜食味甚苦非虛寒所宜也

亦舟以優觴款予劇演玉連環楚人強作吳飲醜拙至不可忍
如唱紅為橫公為庚東為登通為疼之類又皆作北音收
口鼻音中使非余久滯衡陽幾乎不辨一字余向極苦觀劇今
值此酷暑如炎對候如鬼氣之惡酸如藥而主人之意則極誠

且敬必不能示終席此生平之一概也

康繼武吉安之福人予因問以安福風物繼武言姪孫康放仁
奇士也放仁字雲孫天資過人性穎悟家貧無書曾經其目者
無不通曉通音律等韻天文歷法不經師授自能解了占驗未
來事多奇中平西昭武中知後必復康熙年號終身絕意仕進
嘗自言腹有策二十二卷囊括萬象未經筆之于書繼武兄弟
難其妹也而以師事之嘗欲據之以學曰汝等稍有出頭日當
為我覓寫書於數十輩奪半糧以成此書成走下江請政子
伯大人先生然後識之名山以待其人繼武曰余兄弟以奔走
不食沈酣舉業四八比之外他無所言歲月悠以爲有待不
意其遽爾長逝也而逝之時年五十二今年亦不過五十三耳

死于去年辛未之季春。無諸疾苦。將^時厲一僧菴。先一日呼其子
公。子年尚幼。無所知。囑曰。吾即死。汝殮我。以白布二匹。以還我。
公白之。體買棺。只須銀一兩餘。不得至二兩也。無他。囑次日死。
其子于研池下得一紙。乃細書其死之時日。并諸未完事云。其
妻不得于舅姑。自父母死後。終身不見其妻。少時留心禪學。晚
年乃言禪學無用。余意其或得聞佛典也。繼武曰。曾來南岳訪
破門筆墨。幾欲往。使今日尚在。得先生宋把臂入林。不知作
何許盤桓也。異哉余之此行也。如此人物。正予日夜之所禱祝
而求之者。縱千里萬里。猶將買草鞋得之。而往。乃在安福。取道
江西。陸路之所必由者耶。余意其人遠勝王而農。其學不由聞
見而入。得之于天者為多。且名^素長。不假外飾。斯真吾友也。

先余來而歿，不及一載而更無一人傳持其學者。生既同時且
來其地，而竟不得一見，令人乞盡。因思天下之大，億兆之衆，安
能必其無絕彼超羣之人？好學深思，心知其事者，然真實學問
之人，必不奔走風塵以求名譽。吾既不知如此人物，乃在何許，
而彼亦不知天下即余相湏甚殷，而會合無由。彼蒼蒼者，性與
人殊，不惟不足以恃，且似有意播弄顛倒者。然不知餘生尚能
得一二人以摠懷抱否？偶至此，不知涕泗之何從有。安福更贈
吳菴水者，名雲，年八十矣，以文名，深于理學，大全綱目皆有纂
錄。久居都下，今歸老山中矣。明末明經也。又有管珏者，字石楠，
善畫竹，亦先朝明經。此二人者，為世所知，今皆在安福。然此等
人又非余所欲亟見矣。

繼武言安福之西六十餘里袁州之界有武功山高與南岳齊
而險峻過之中多古道觀朝山者四時不絕也又有哈山山有
川曰石城深遠莫知所止潛通閩廣諸省云中有大川三有舟
可濟游者秉燭入數十里武風花雪月四洞炬恐不繼多屆此
而返者更前則阻水跋涉維難矣風洞中四時晝夜常有風花
洞中石五色陸離嵌空如雕鏤至此儼入萬花谷雪洞中石白
如霜雪瑣細如堆鹽隊絮月洞上有一竅透空天光所照儼如
半月亦天下之至奇也先朝郡人劉孔當字喜聞者來第時讀
書於此嘗見二者相對坐石上蹤跡之忽不見如是者數回
矣後覓隱處以待之見其來也迫而就之二老者走入洞追而
求之洞由此洞前此未聞也此洞寬衍弘敞遠勝包山之林

屋而世人尚多未知。孔當後為北土著有五經難字五經叶韻共若干卷。上附琉球紅夷字。甲夫家有其書。曾見之。余聞此不勝驚嘆。前在甲夫家一位數日。乃不知有此異書。難字叶韻不關有無。若紅夷琉球。則正余所懸念而深羨。賊以竊者。乃面失之于康甲夫也。紅夷文字必用蠟底諾話以合其土音。必稍有異同。琉球字又不知宗何國矣。歸途當更過清溪以訪之。案

開石城洞者乃劉潼漢非劉喜
家也。漢漢語元書見先師日記

繼武又曰。放仁昔同繼武在書舍。其隣即繼武之叔日修之所也。時當八月晚。露坐納涼。日修年方壯健。往後呵罵奴婢。放仁聞其音。謂繼武曰。日修叔不久矣。音與神離。當不出兩月也。後一月餘果暴疾而卒。

安福西門外明三百年科甲不可以更僕數至爛木橋而止爛
木橋無有登甲榜者矣橋東地名魚鱗劉氏聚族居焉魚鱗陳
則在橋西陳二止先生晚年靜極而慧生有來訪者必先知
之或不當晤率先避去

予途中思得譜上音之法宇宙音韻之變遷無不可紀其法即
用余新韻譜以諸方土音填之各郡自為一本逢人即可印證
以此法據諸門人子弟隨地可譜不三四年九州之音畢矣思
得之不覺狂喜由此而思方輿之書所紀者惟疆域建置沿革
山川古跡城池形勢風俗職官名宦人物諸條耳此皆人事于
天地之故槩乎未之有聞也余意于疆域之前別添數條先以
諸方之北極占地為主定簡平度二度製為正切線表而節氣

之後先日食之分杪五星之凌驗皆可推求以簡平儀正切線表為一則諸方之七十二候各不同如嶺南之梅十月已開河南桃李十二月已爛熳無論梅矣若吳下梅則開于驚蟄桃李放于清明相去若此之殊也今曆本亦載七十二候本之月令乃七國時中原之氣候也今之中原已與月令不合則古今曆蓋為之今于南北諸方細攷其氣候取其確者一候中不妨多存幾句傳之後世則天地相應之變遷可以求其微矣余在衡冬見北風起地即潮濕變而為雨百不失一詢之土人云自來如此始悟風各相逆而來雨燕京吳下水皆東南流故必東南風而後雨衡湘水北流故須北風也然則諸方山之背向水之分合支流何向川流何向皆當案志而求彙為一則則

風土之背正剛柔、暨陰晴燥濕之徵、又可次第而求之矣。諸土
度、此方所有、他方所無者、別為一則、而土音譜合、俚音譜共為
一則、而其人性情風俗之徵、皆可索律而求之矣。然此非余一
人所能^或盡、余發其凡、觀厥成者、望之後起之英耳。

烏堽二陳、高風被于鄉里、至今烏堽二十餘里人、皆化之、耕讀
不應科舉、深衣幅巾、見官長亦不變、此風海內無有也。

陳狂奴、舊字玄聞、劉渤字巨洪、前劉益其言之、然遺其名、并謬
其字、今正之。

安福城東門、有復真書院、鄒東郭先生祠也、祠中藏書甚富、東
郭為姚江門下第一人、在龍谿之上。

安福武功山、心大與南岳等、千^一高壑、皆用南岳之名、如祝融

天柱石廩亦不馬祖磨鏡臺為^馬。涼之可嘆^笑類如此。石城洞鶴湖之水出焉。故曰鶴山。非蛤山也。武功皆道院有僧舍曰白髮庵。皆耆德之所駐錫。四方耆宿至以銀數十兩貯當住衣食不外求矣。斯濟言。

衡山之西南地名白果。在中山之後。行鹽之市井也。今有北來僧寓其地。書大字以筆縛于肘。濡墨而運之。不以手極奇。

昭代典則。晉江黃克升所編輯。共二十八卷。自太祖高皇帝至穆宗莊皇帝。徵采子綱目例。然詳于制度。略于事跡。雖間見疎^目而體例尚有可觀。

秦優新聲有名舞^舞彈者。其聲甚^後而哀。

子勝言流容木雅零者。本姓朱。河南天潢也。能製奇器。多異技。

有鐵標十二枚，藏兩袖中，舉手即發。又有屏風直座後，中藏萬弩，機在座下，軍中下營施之，坐後猝有奸宄，舉足萬弩齊發。又相疊船，可藏中筭，有魚頭渡，即湊合而成，遂桅云。今其人尚在，嘗為木牛流馬，人以為怪而毀之，即其子亦不傳也。人有求其法者，曰：以寶劍贈佳人，烏乎用之？

壬申之夏，予衡州署中，初定韻譜，先立鼻音二，鼻音為聲韻之元，有開有合，各轉陰陽上去入之五音，共十聲，而不歷喉腭舌唇齒之七位，故有橫轉而無直逆，橫轉為平上去入，而平聲則有陰陽故五等韻，惟不遺此，故多重疊，次定喉音四，為諸韻之宗。太西蠟等話以阿吽^年嗚乎之五音為韻父，然乎^年即嗚之橫轉上聲，女直圖書則有六音，而第六字實即第五字也。蓋外國

皆不知有橫聲之五音，故有此意。惟梵音十二字恰合此式，然喉鼻不分，則父子無別矣。今定○為喉之喉，開之開，阿為喉之阿，開之合，呬為喉之齒合之開，鳴為喉之唇合之合。四音定而萬有一千五百二十之聲，舉不出其範圍矣。是之為正喉音，又從○字這出○字，為○之半音，從阿字轉出而字，為阿之轉音，從呬字想出○音，而見之于齒之○，思茲雌，故○之伏音從烏字究至于字，于為烏之逆音，○而○于田字為寔喉音。又以開口鼻音為韻，分配○阿呬烏則為喬鞞英翁，此四音為東北韻宗。又以開口鼻音為韻，配以○阿呬烏則為西南韻宗，此八韻立而四海之音可齊矣。次以喉自互交合，凡得音一十有七，喉鼻相互交合，得音一十，又夜燠二音有餘，不盡三合而成五音。

共三十二音為韻父韻歷二十二位則韻母也橫轉各有五子
子凡若干萬有不齊之聲無不可資母以及父隨父而歸宗因
宗以歸祖由祖而歸元天地之祕藏一朝鑒之歸山後次第成
書也

紫庭與余露坐蕉陰下論周易乾師二卦深有理會其論四德
實見傳義之誤

紫庭論內政軍令有心得焉

壬申五月二十八日奉 旨點心每位領下梳篦牙喇八名錢
手二名噶紀什一名共十一名候旨備選

李默齋註而熾與之談醫似有見動稱休寧人江昇所著醫方
集要之妙又上隆萬間黃州人字安庵者名醫也所著有

萬氏家傳又云醫心法醫家秘要也

臨川為撫州附郭在江西之東南與福建交界陽明當得駐

于此

李默老言寧都有卜辭者黃冠有道士也今化去矣

默齋又言興化莆田縣萬曆時有林龍光者以三教名有三教堂今其法派猶有存者默齋有其書多至數卷云

方輿紀要默齋所著注古方也以方為鑰而溯通乎立方之意以盡其變為類一十曰表曰裏曰寒曰熱曰虛曰實曰氣曰血曰痰曰火曰鬱曰廣嗣類各若干方有若干變共為目錄一卷

傷寒纂舊胞與堂祖陶節庵六書集之為歌凡四十五則蔣仲

芳從而和之。加入十則。共五十五則。然齋爲之更訂者二十一則。又增補四十五則。共爲百則。分爲九門。傷寒六經本症八則。傷寒正病二十三則。類傷寒症六則。傷寒瘥症三則。婦女胎前傷寒四則。產後傷寒四則。分錢條。下補法。內錄法。辨同異。注後紀方。通爲凡例一卷。

明醫規則亦默齋所著。曰規則自序曰。慎藥擇藥法。曰求病之原。曰上清下補說。曰南北異宜。曰處方調劑十八法。即古之十劑。而增入溫清慎和推斷安養以佐之者也。曰陰火藥位曰垣。德曰迨非集。自序曰。問心錄自序。共爲一卷。而垣德爲妙絕。問心錄迨非集二惜。不見全本。然如此立題。必有可觀。

西安將軍馬剛特差筆帖式阿拉圖于壬申五月二十日申時

至暢春苑奏云。愍頰私自逃走。將軍馬喇并提督孫令滿州總兵官潘有龍遣發官兵追殺。并祝囊來萬等語。上聞大喜云。朕當日說愍頰要逃走。今果然逃去了。他跟着的人少。官兵追趕必定殺得他。又云。將軍馬喇將祝囊親身從內地帶來甚好。余曰。祝囊為西域中雄傑。無素奈爾定合首氣。則夷狄中之聖賢也。二人竭力以惑其主。愍頰為邊患者十餘年。乃一旦為人所擒。如縛雞然。則又何耶。愍頰雖逃去。得脫與否。尚未可知。然吾聞祝囊信儒生言。勸其主以讀儒書。親近儒者。則其為人所擒宜矣。子騰尚不能解言。紫庭則不以為柯漢也。偶閱戎政便覽。見四川巫山營遊擊有石子成龍者。目思今天下有四子成龍。皆循良吏。此子成龍未知其何如也。

子騰言陝西諸帥如陳福西寧人即為西寧總兵後加提督趙
勇略亦西寧人也為西寧總兵亦加提督王奮威固原人為固
原提督乃千古之最少者予問張靖逆何處人乃臨潼人也
夜夢同一人携儒兒在一處看雲有赤色如丹砂或龍形如雕
鏤刻劃頭角爪牙鱗鱗纖細畢具正南向下自南而東如久之
而殞其一人者不見惟予與儒兒見之少頃又有赤雲自南來
亟呼其人同看而雲形如馬纖細生動如前龍也則三人同見
也境界靈異瑰瑋此何祥耶翔按龍乾象也馬坤
問涵齋以蔡長仁之為人長仁蔡元字也元自海上投誠叔而
復反而又投後授陝西平涼守備黃九勝標下飲酒不事
王簡臣怒欲以軍政填點之元曰當太平時無用元為若一旦

邊廷有警恐無覓元處也輔臣者其言而止

紫庭誦關中劉石聲詩曰華岳三峰如虎踞黃河一綫下龍門
關中形勝被此二句寫盡而雄渾高亮名句也又唐昭陵聯云
健兒莫縱秋山火夜羽英靈不可當茲復鄂云公皆從葬昭陵
云又李子德愛妄換馬句云十斛五粒如反掌驚鴻飛兔不同
行可妙絕千古矣

與紫庭偶談及經略圖海至平涼初與王輔臣合圍平涼兵勢
不可當海放孱馬三五匹衝之平涼兵亂東兵乘之大敗平
涼兵城北偏山原平瞰城中且為餉道海疾趨取而據之城
中
天食遂克平涼

予騰言四川多城食糗者也鼻孔反上向天見雲起聞雷聲即

趨避隱處取樹葉以覆其鼻少雨滴入輒死矣

子騰又言平涼靜寧之間有物如猫而首大色黃人呼曰黃妖
宋猫見之即隨之去飲于河以潄其腸胃至妖前聽其食妖以
舌舐之毛隨舐落磔猫而食之此不知何物偶後松字書數字
呼木切誤入聲犬屬似豹而小郭璞曰似鼬而大腰以後黃一
名黃膏漢書音義曰敬白狐子也案此即子騰所言之黃妖一
乃膏之誤久不讀爾足不意于此遇之當更檢爾雅注疏及漢
書音義耳

紫庭言人君之治天下惟是非賞罰喜怒好惡為之樞機是非
賞罰隨喜怒好惡則治非喜怒好惡隨是賞罰則治紫老好讀管
子以為與聖經相表裏此等語皆深有得于管氏者也

壬申五月二十一日甘肅提督孫密題夷情差旨懲辦等屢諭勿令其遁去前旨甚明官兵旣尾襲懲頓何故復令遁去該總督嚴察具奏餘着兵部理藩院會同議奏

紫庭言太平府當塗縣有曹先生者而遺其子理學家兼精醫藥有神奇之目與王山史相與甚深紫庭嘗請其診脉曰脾胃疾也待其發時則自愈矣後果然

紫庭吟其舊句云燕窩階泥濕花遲檻露溫余謂此遲字當作去聲讀音雅若平聲即遲速之遲不如此解

陸龍患眼痛藥不愈有眼科黃冠師前治藍橋甚効其方亦了不異人惟用皂角子數枚必有傳也

紫庭偶述真府之言曰精神生于喜說智慧生于精神名言也

真府乃彭樹廬先生所著。余未之見。當覓觀之。必能益人神智也。

子騰向有嗽疾。端午後吐血一二日。服山羊血及山漆而血止。然病日深。胃脇疼不可轉側。嗽益甚。夜臥精神恍惚。此非參耆不能回。余先入味地黃湯二三劑。已有起色。又感冒風寒。用發散藥一二劑。汗出甚多。虛弱已極。並用六君子湯加附子一劑。已愈其半矣。然每為寒邪所傷。輒病。余問之曰。腎寒少冷。即從腎寒至四肢不悟。曰。此督脈為病也。次用鹿角膠或虎茸即愈。從紫庭處覓得兩許。始服一劑。而精神迥異。平日此事難知。余滋懼焉。

子騰言平涼一帶。夏五六月間。常有暴風起。黃雲自山來。風亦

黃色必有水電大者如拳小者如栗壤人田苗此妖也土人見黃雲起則鳴金鼓以鎗炮向之施放即散去或有中者必灑血雨雲則漸散而去入山穴中人逐其迹圍其穴以火藥薰之久之其物死掘而出之非大蛇則大蟒也口中腹中皆冰塊云

賜姓公未得臺灣也積蓄皆貯海澄鐵甲十萬副穀可支三十年籐牌滾被鎗炮火藥皆以數萬計公時在廈門黃梧降本朝海澄吳公聞之神色不變本朝封梧為海澄公世襲四十餘代施琅起身行伍隨鄭飛虹于隆武時為將後隨賜姓在廈門取臺灣將不利于賜姓賜姓覺琅降本朝後卒滅臺灣云

紫庭欲作四瀆入海圖取諸暨中原之地暨諸水道北起登萊本至蘇松西極潼關為一圖若無從着手余為之用朱墨本界

畫法以筆從橫為方格每方百里以府州縣按里至填之府州定而水道出矣

淳中忽悟歸東算術之理歸之而畫者從東來歸之不畫者不可乘也有實于此不知其縱橫之數以開方法求之可得也

紫庭家莊楚地全國從橫皆丈餘張挂甚難流覽亦苦紫庭欲改為堂冊可置案欲以便披閱而請其法于予予為之先造經緯表一通從橫相遇可合可離亦圖中之變調也

紫庭言襄陽總兵王化行昔于隴州上山攻賊不得上將退矣慮敵之尾其後也先令一半以鉤仰攻一半先退數十步立定仰攻先攻者退數步仰攻先退者復退更番而下退畢不失一人滿州見之以為諸葛復生云

○魯監國世子、今開墾于許州五女墳

○涵齋言、黃庭漳州人、善戰持重、百戰不敗、賜姓之、攻金陵、庭留守廈門、于康熙二年、以五千鎰甲投誠、封義伯、後令其開墾于鄧州

○涵齋又言、海澄去黃梧既遠、據海澄以降、即係凍平海五策、一遷徙沿海居民于內地、距海三十里、不令人居、佳一言、鄭氏祖墳風水甚美、當令人發掘、一鄭氏有五大商、在京師、蘇杭、山東等處經營財貨、以濟其用、當察出收拿、一鄭氏雖居海中、而其田產財賄、皆在漳泉等處、當察出收官、一造八葉小船數十隻、無風時出海、以取廈門、四面環攻、令彼疲于奔命、上然其策、惟還從一條未得、鄭氏始祖之塋在泉州之石井、發掘時不得尸、在

漳州者無遺骸矣。梧漳州平和縣皂隸也。與門役賴王誥滿通賜姓殺知縣以降。賜姓用二人以為將。使守海澄。而梧之懷賜姓也不遺餘力矣。三藩變後鄭氏攻破海澄。梧已死久矣。發棺而僦其尸。用承殮。肢體猶未僵也。其子投井中。出而剛之人見其眦腔眦。不已云。賴王為泉州提督。標人所僦。運海之策。施煥復言之始行。

向聞陳亮工有天下駟路圖。而未之見也。更須留心購求。向欲取天下水道。依水經注體例為一書。以川水為經。支水為注。分合起止。悉以見在者為據。久之未得下筆。今因料理楚地。全圖三楚江山。燦如列眉。指掌副本。雖已寫就。究不如原本之善。乃循原本造楚水圖記。以江漢湘沅為經。而貫串百川。

琴之十三徽猶十二經絡之穴也。以泛音觀之，乃天地自然之妙，非人力所能為也。張一弦于琴，鼓之作泛音，乃與琴之十三徽無異。琴之定徽中詠而兩端，而乃變圓為方之法，以七徽在中，左右各六分之，故有十三也。法以規作半圓，平分十三極，變為直線，則求詠密之度矣。聲音之體本圓，見之于器則不能不方也。此前所未言者。

紫庭言朝廷設駐防兵一千于漢中，而西安、荊州、江寧各添駐防兵一千。昔將軍圖海議于漢中，荊州各設駐防，誠為局外要著。後撤去漢中兵，今因饑荒流離，復添設焉。綱繆贖戶之計，蓋本之圖。公云。

吉坦然為子騰定一方，以斂肺止嗽為主。用知母密貝母人浸乳。

桑皮

人乳浸

沙參、杏仁

飯上

訶子、薄荷、肉桂、沉香、白潤白散、後復

來診

言前潤白散用白芷一兩煎湯浸之、曬乾而服、以引肺氣

下行

余曰、此即張子和于莊陽藥中加牽牛之意、坦然以余為

知言

紫庭發興作衡山五言古詩一首、共讀之而樂也、衡岳自杜韓

而後、鮮見作者、余嘗言諸大題目、如岳瀆等、決不可動意落筆

題韻一首、世人只為不知利害、隨意塗抹、以貽笑于大方、浣花

先生為此事中絕類、輩之聖、而于岱宗、西華、南岳皆題望岳

不敢正作、我輩何人、顧敢為浣花老人所不敢為耶、紫老亦欲

見及于此、故于秦華諸題皆無題咏、今忽復癢不禁、邀我同賦

余不能辭也

道林古剎貞悟勤洪覺範皆嘗主斯席有明中葉有楊指揮者
陰圖風水毀其寺今之道林興復未幾也

長沙北門外有關帝廟神座下有石上有自然之文儼如梅樹
根也

紫庭破二十字全書以管子四冊貽余管子雖不全出敬仲之
手而其經世允為一家之言自是宇宙間不可少之大章句三
代而後經綸天下者俱不能出其範圍儒者過信孟軻氏之言
束之高閣不思仲尼以仁許管仲是何意旨可嘆嘆也

文墨師出詩集一編標題云錢荆山先生集予不識荆山為何
如人乃一會稽周姓自浙東携來者大約亦浙人也詩雖不入
數而筆力甚雅每出人意表近人中不數見者集中有來折

堯范季友詩則斯人年亦不高而復有送雪嶠大師詩似亦非後輩也夫

長沙西臨湘水浩々北注無泊舟地故四方船筏輻輳中湘昔與中丞撫軍時曾于開福寺前開一河套為泊舟所工未就而罷王撫軍因之大興版築開渠繞開福引湘水東北流復注于湘可半里許則四方舟楫無風濤之虞做工者人給錢六十文米一升又柴菜錢三十文故人樂于趨事有經于官者先令原告出資督工待審判而負罪者量其輕重罰之出資做工今此門沿湘一帶新造草屋俄然如市矣先築堤塘數十丈以遏水余此來見星沙氣象甚旺迥異春初此渠開則中湘之勝將福于此然亦不過一時計耳日久坍塌漸就堙塞可計日而待若

能大興工作、更引瀏渭之水、西來冲刷汙塞、方為永久之計、然
去瀏渭稍遠、且多岡阜隔阂、工費浩煩、非此公所能辦也、瑚憶
師有云、長沙西臨湘江、苦無泊舟之處、故四方之水、皆聚中湘、
而省會之地、舟車不便、撫軍于山門開新河一道、亦星沙之急
務、與此河
互相發明

管子雖不純乎一家言、自是經世東書、自劉向校讐、訂為八十
六篇、後有唐房元齡注、而語頗淺繆、恐不出元齡手、或曰出唐
博士尹知章也、泉劉氏續間為補訂、簡明貫穿、多所發明、又
有趙用賢標本、亦可觀、明天啟間宣城文學梅士亭、有詮次管
子成書十五卷、以其言之純者高一字、其解說暨駁雜者、祇一
字為傳、篇皆附以論說、雖未必一一皆當、然用心亦云勤矣、若
紫老深好此書、前與余談、上下千古、至管子語多與余合、紫老

驚曰先生亦好讀此書耶余曰三代而後欲經綸天下者非顧
上遺言何從著乎諸葛孔明為千古一人其學術全從此書出
紫老灑然異之出其所刪定之章以示余更惠白文一章乃照
其刪定者塗之之

吳錦霞言崇明開基者為王顧董施宋陸六家今王施二家皆
巨族矣崇邑從二百里橫五十里周五百里數年前兵萬人臺
灣年後裁汰至四十矣

長沙藥王宮後有竹園小齋幽寂可愛其齋聯集杜句云處世雙
蓮鬢乾坤一草亭甚佳

岳陽持小葉鹿含草一握來此草性同肉桂有引血歸經之功
佳品也星沙在處有之

楚中佛事。鉦鼓之外。加以銅鐘。及雅梵音之中。忽聞此聲。令人
驚愕。問其所誦經卷。則普門品暨三官經也。嗚呼。彼三官者。乃
五斗米賊所設之教。顧有經焉。此地且與普門並駕而馳矣。
廬州人陳繼緒言。竊出開封。歸德二府所屬八縣內。不在亳州
也。

廬州人呼牛作阿。二音亦奇。

烟壳紙出鉛山縣。

貴竹黎平有賴高。高皆生苗。有漢人德注賈為所殺。官差旂牌

吏目往問之。不服。亦皆為其所殺。貴西道知明使張奇懷往撫。而

巡撫衛既齊已具顯矣。今朝中差大人往審問。將調兵往勦。此

撫軍之失算也。

倪用照嘉興人，嘗為廣西柳州前營守備。後罷官，偽周時改授融縣尉。又調懷遠尉，未幾辭官遁入曹頭土司。亂定後，載其母柩將歸嘉禾，至中湘阻夏逢龍之亂，暫寓湘潭。今已六七年矣。予問以粵西諸事，用照多身歷之，其言多可聽。用記一二事以備參考。

孫延齡，孫大堂之子也。大堂為定南中軍，定南既死，國事孔少。貞尚幼，已曾許字延齡矣。被虜後，亂定流入滿州家，詢之為皇姑也，遂送之入京。蓋四貞曾為太皇太后義女云。上問定南舊美人四貞，曾許聘人否。眾皆言延齡，遂嫁之。以延齡為將軍，平西之入叛也。四貞延齡俱少，不更事，諸都統皆定南故部多，戰功延齡其後進也。四貞待諸人禮儀如定南時，諸將皆以跪。

拜四貞為耻尤不能為延齡下積怒非一日矣延齡有婢其父
平夫長也婢還其父家父嫁其女于漢人而不告延齡延齡知
之怒執其人杖之三十王都統以延齡之責其官也亦怒嗔其
人告之巡撫更懷利及欲刺延齡延齡遂以其事上奏四貞亦
具疏請于上上命大人來粵西審其事罪坐王都統餘皆免究
大人入都覆命收王都統于獄未幾滇南告變上命甯都統仍
管滇南主藩事征雲南延齡內不自安而四貞又平西義女反
謀遂決一日請諸都統入府議事議畢而出伏兵于門盡戮馬
殺桂林城反時提督馬融駐柳州延齡使人持高脚牌往招之
雄故不為延齡下見牌益怒曰豎子無禮碎其牌縱其使延齡
提兵往攻為雄所敗然平西勢日甚雄亦不能守曰吾降平西

不降延齡也。乃使人自間道往松滋請降于平西。平西大喜。以
雄為懷寧公。然雄與延齡怨如故。屢相攻。平西左右多不喜延
齡。延齡又不能調和諸用事者。平西心亦疑之。命吳大將軍往
為二家諧和。密授之意使殺延齡。吳大將軍至桂林。駐城外。使
人請延齡議事。議畢出營。將上馬。使人自後斬之。孔四貞遂以
丹籍出降。後送四貞于雲南。而吳大將軍守桂林。未幾。長沙勢
敗。桂林亦震。遂奔桂林。還守南寧。而傳弘烈之兵乘隙遂入桂
林。弘烈向為司馬。時曾疏言平西必反。以幾誘親王流之。南
當延齡之敗。弘烈自土司出見之。延齡據以守備。劄使守梧州。
江西人劉曉向弘烈在土司中相與結為昆季。弘烈謂曉能吾志
取粵西策。然必須面能皇上言之。然吾不孤離此土。須一人為

我行曉即請往以間道走京師見上密陳其策上大喜以弘烈
曾言平西深信其忠遂以七千人餉給曉使于廣東收兵以應
弘烈曰後以汝為平樂知府行監軍道事久之值吳大將軍退
南寧而簡親王之兵猶未至桂林城空弘烈以七千人先據桂
林平粵西功第一上授以撫蠻滅寇大將軍印巡撫廣西後平
西寇偽周軍退入鎮南馬寶守風木願清兵攻之不可相持甚
久粵東人王聖昔為黎靖系將平西之變使守岳州林興珠投
誠後以書招之讓投他人平西削其職後逃入粵西與傅弘烈
為友及弘烈入桂林聖聞之由土司中來說弘烈曰今馬寶守
風木不下天下豪傑皆思下滇南將軍幸辭巡撫印說馬承印
令提兵入雲南將軍將兵由古泥出通道至靖州則出風木願

後大兵攻其前，將軍斷其後，馬寶兵必潰而走。將軍追之，直至
滇南，取滇南如拾芥耳。此不幸之奇功，千古一時也。弘烈為然。
時馬雄已死，其子承印襲父職守柳，已降于清矣。弘烈發兵出
古浪，率二百餘人往說承印，恐多人起馬氏之疑也。馬氏諸將
有王明、劉燭、熊范、大頭等，皆衆傑，不肯為清。弘烈說承印已有
成說，泊丹江口，以待會兵。弘烈之意，必待馬氏之兵出境而後
走古浪。時王明等必欲反清，而承印年少，不能自主，遂劫執弘
烈以歸。偽周、後以司農不受而死。方巡撫之辭，巡撫提兵入
滇也，惟劉曉諫不宜往，而弘烈不聽。時曉已為平樂府矣。後曉
陞浙江儲糧道，罷官流寓江南。湖州府清兵復攻柳州，承印之
叔若弟皆先離，髮從承印降，而王明等軍皆在外，清兵既入柳。

州明等皆隔江遙拜馬氏率衆走慶元劉燭然以不給軍餉為其下所殺范大頭亦走死惟王明逃入八萬屢攻之不能得後報明已死得其首然非真也明亦不知所注矣

多已有河；此岸漢人彼岸番回客寓也

岳清云張又曠之僕陸其標者能服信石余問之云果然自祖父以來皆能服以砒為末可盡二錢能却寒暨諸虛寒瘡疥之疾但夏日不可服若人食之發熱以豆付一塊拌皮硝食之即愈若未經久服之人誤食而中其毒者但採烏桕葉四五斤咀食之吐清水一二碗即解云桕樹葉又能治蛇咬取葉搗汁燒酒沖服以渣貼傷處無不愈也然無病飲此汁則能害人余向亦聞烏桕葉能解砒毒但未得試今知其果然矣昔讀神農本

州見諸金石毒藥條下多云可以服食延年益壽頗疑之而歷代名醫亦皆以為不可信客歲舟中楊符五言有人服巴豆者今又見服信石者不益奇乎蓋知天下事經緯錯綜決非印板所能印定而出格之語不可與拘墟者道也

涵齋言見卽抄有理藩院郎中馬廸奉旨差往噶爾旦處提督孫思克差守備一員肅州總兵潘有龍差千總一員共三十餘名往送之哈密遇噶爾旦夷目領兵殺馬廸拘守備千總孫思克于哈密城惟騰通事人逃回提督奏聞其事上云前理藩院二郎保已奏聞矣前有噶爾旦使者來今已差人隨之而往拘其通事人其肅州待使回發落也此事甚奇難以擬議須覓全抄一看張振先自街坊叫一賣藥僑人至有浙人吳姓者與振先同寓

欲售淫藥以治之也。徭人姓戴地近岡州其人能漢語值余雜頭未及看其所用何藥岳濤云徭人皆負藥籠出剗刀藥一把口作咒觀藥片下即知病愈之遲速配生二劑加燈心桃仁少酒為引。

余問涵齋云吾聞臺灣向為紅夷地鄭芝龍得而復失賜姓公復取之有諸乎涵齋曰非也臺灣向為番地嘉靖中紅毛國人取其一角為諸國貿易之所蓋紅夷國人領其主之船隻于各國占地為市而我輸祖賤地多而大者加官焉臺灣口岸故巨其西則淡水山石林立不可泊舟惟東南有水港折而下可通舟楫紅毛人築城于內曰赤墘城有山對峙如鹿耳曰鹿耳門舟必以此入紅毛人于臺環處皆有炮臺設巨礮以守不可攻

也。臺灣之名蓋取之此。賜姓公江南之敗，復圖廈門，念廈門金門不可守，海澄公黃梧又議無風時出小舟環攻，疲于奔命，遂思東取臺灣。本意原欲由澎湖入，而一夜風起潮漲，諸石皆沒。前此所未有也。由淡水經至赤嵌城下，鹿耳之險無所用之，使求救于本國，而往返須三年，圍城兩月，食盡而降。賜姓縱其舟歸本國，臺灣遂為鄭氏有。後紅毛國合清兵以巨舟來攻鄭氏，以小舟往而釘小舟于巨艦之旁，人沒于水，而火其舟。此後不敢復至云。自廈門出洋七更至澎湖，入師嶼泊舟，必待順風一日而至臺灣。凡八更而更約六十里，否則為海溝急流所漂而東矣。此臺灣之大略也。涵齋又云：向在戍州遇一僧，曰：天啟間南人勢力絕倫，頭啖甚健。人問曰：和尚何不持齋？曰：假和尚方

持齋余真和尚也持齋何為假和尚人前持齋私下食肉余則
人前食肉獨居持齋何為不可耶為雲南衛指揮之後曾殺人
亡命之家左手出獨一慈其母命之以戒其世云亦異人也

此卷元本用竹書寫其草畧故錄者
多誤亦未能盡校正當再寬其去改